


“TASDIQLAYMAN”

O‘zbekiston davlat jahon tillari universiteti
rektori I. Tuxtasinov

“ 1 ”



O‘zbekiston davlat jahon tillari universitetida davlat ilmiy-
texnika dasturlari doirasida bajarilayotgan IL-27-4722022413-
sonli “Qiyosiy adabiyotshunoslik” fanining
“Komparativistika” elektron platformasini yaratish”
mavzusidagi innovatsion loyiha asosida tashkil etilgan

“KOMPARATIVISTIKA”

(COMPARATIVE STUDIES)
ILMIY-USLUBIY JURNALI

NIZOMI

Oliy ta’lim, fan va innovatsiyalar
vazirligi Ilm-fan va innovatsiyalar
kengashining 2023-yil 26-maydagi 11-
son bayoni hamda Oliy ta’lim, fan va
innovatsiyalar vazirining 2023-yil 5-
iyundagi 253-son buyrug‘iga muvofiq
qabul qilingan.

Toshkent-2024

1.1. "KOMPARATIVISTIKA" — Respublika filologiya sohasi xodimlari uchun mo'ljallangan ilmiy-metodik jurnaldir. Muassislar Oliy ta'lim, fan va innovatsiyalar vazirligi hamda O'zbekiston davlat jahon tillari universiteti hisoblanadi.

1.2. Mazkur Nizom "KOMPARATIVISTIKA" jurnali (matn davomidagi nomi "Tahririyat") faoliyatining tashkiliy, iqtisodiy, huquqiy va ijtimoiy asoslarini belgilaydi.

1.3. "KOMPARATIVISTIKA" jurnali tahririyati O'zbekiston Respublikasi Konstitutsiyasi, "Ommaviy axborot vositalari to'g'risida"gi qonun, muassislar tomonidan tasdiqlangan Nizom asosida faoliyat ko'rsatadi.

1.4. Tahririyat o'z faoliyatini amalga oshirishda kasb mustaqilligiga asoslanadi va muassislar bilan doimiy hamkorlik qiladi. Amaldagi qonunlarda, mazkur Nizomda, ta'sis shartnomasida nazarda tutilmagan hollarda Muassislar tahririyat ishlariga aralashmaydilar.

1.5. "Ommaviy axborot vositalari to'g'risida"gi qonunga binoan jurnal materiallari senzuraning xolidir.

1.6. Nizom Oliy ta'lim, fan va innovatsiyalar vazirligi Ilm-fan va innovatsiyalar kengashining 2023-yil 26-maydagi 11-son bayoni hamda Oliy ta'lim, fan va innovatsiyalar vazirligining 2023-yil 5-iyundagi 253-son buyrug'iga asosan qabul qilinadi.

II. MUASSISLARNING HUQUQLARI VA VAZIFALARI

II. 1. Muassislarning ommaviy axborot vositasini ta'sis etish bilan bog'liq barcha harakatlari, ularning huquqlari, maqsad va vazifalari, davlat hamda jamiyat oldidagi mas'uliyati O'zbekiston Respublikasining qonunlari asosida belgilanadi. Muassis, noshir va tahririyat o'rtasidagi ishlab chiqarish, mulkiy va moliyaviy munosabatlar O'zbekiston Respublikasining amaldagi qonunlariga mos ravishda tuzilgan ta'sis shartnomalari asosida o'rnatiladi.

II. 2. Muassislarning huquqlari va majburiyatlari:

Oliy ta'lim, fan va innovatsiyalar vazirligi quyidagi vazifalarni o'z zimmasiga oladi:

- jurnal Nizomiga o'zgartirishlar kiritadi va tasdiqlaydi;
- jurnalning bosh muharririni tayinlaydi;
- jurnalning o'z vaqtida va sifatli tayyorlanishini nazorat qiladi;
- loyiha a'zolariga moddiy imtiyoz va kafolatlardan foydalanishni ta'minlaydi.

O'zbekiston davlat jahon tillari universiteti quyidagi vazifalarni o'z zimmasiga oladi:

- tahririyat ishlarini olib borish uchun bosh muharrir tavsiya qilgan bosh muharrir o'rinbosari, mas'ul kotib, muharrirlarni ishga qabul qiladi, tahririyatning shtat jadvalini belgilaydi va byudjetdan tashqari mablag' hisobidan maosh bilan ta'minlaydi;
- alohida xizmat ko'rsatgan xodimlarni moddiy va ma'naviy rag'batlantirish;
- tushgan mablag' jurnal faoliyatini yanada kengaytirish va takomillashtirishga sarflanadi.

Jurnal tahririyatining amaliy faoliyati muassislarning o'z burch va vazifalarini belgilovchi asosiy omildir.

Muassislar tahririyatning kasb mustaqilligi doirasidagi majburiyatlari uchun javob bermaydilar. Tahririyat muassislarning kasb mustaqilligi doirasidagi majburiyatlari uchun javob bermaydi.

III. "KOMPARATIVISTIKA" JURNALINING MAQSAD VA VAZIFALARI

III. 1. "KOMPARATIVISTIKA" jurnalining maqsadi:

Jurnal vazirlik tasarrufidagi o'quv yurtlarida filologiya fanini zamon talablari darajasida rivojlantirish, uni milliy istiqlool mafkurasi g'oyalari bilan boyitish va shu fan yo'nalishida olib borilayotgan ilmiy-metodik yangiliklarni ilmiy jamoatchilikka yetkazishga xizmat qiladi.

Mazkur nashr "Ta'lim to'g'risida"gi qonun va "Kadrlar tayyorlash milliy dasturi"da ko'zda tutilgan barcha masalalar bo'yicha ilmiy-tadqiqot, targ'ibot va tashviqot ishlarini olib borish; milliy hamda jahon filologiyasi muammolariga doir ilg'or nazariyalar, ilmiy fikrlar, metodika va amaliyotni hayotga joriy etishda targ'ibotchi va tashviqotchi sifatida faoliyat ko'rsatishdan iborat.

IV. NOSHIR

IV. I. Muassislar va tahririyat o'rtasidagi barcha ishlab chiqarish, mulkiy va moliyaviy munosabatlar amaldagi qonunlar va o'zaro tuzilgan shartnomalar asosida o'rnatiladi.

V. ISHLAB CHIQUARISH VA MOLIVAVIY FAOLIYAT

V. 1. Tahririyat Oliy ta'lim, fan va innovatsiyalar vazirligi hamda O'zbekiston davlat jahon tillari muassisligida tashkil etilib, universitet tarkibida faoliyat yuritadi.

2. Tahririyatning huquqiy manzili: Toshkent shahri, Uchtepa tumani, Kichik halqa yo'li, 21- a uy.

V. 3. Tahririyat ishlab chiqargan mahsulotlar va boshqa qonun-qoidalariga hamda muassislar bilan tuzilgan ta'sis shartnomalariga zid kelmaydigan faoliyatlardan tushgan daromadlar, muassislar bilan kelishilgan holda va ular bilan tuzilgan shartnomalar asosida taqsimlanadi.

V. TASHKILY MASALALAR

VI. 1. Tahririyat ijodiy, ishlab chiqarish, tijorat va moliyaviy faoliyat bilan bog'liq asosiy masalalarni tahrir hay'ati yig'ilishida ko'rib chiqadi va hal qiladi.

V. 2. Tahrir hay'ati tarkibiga: bosh muharrir (rais), bosh muharrir o'rinbosari, mas'ul kotib va tahririyatning ayrim a'zolari, muassis, jamoatchilik vakillari kirishlari mumkin. Tahrir hay'ati tarkibi (bosh muharrirdan tashqari) va undan boshqa o'zgartirishlar bosh muharrir tavsiyasiga ko'ra O'zbekiston davlat jahon tillari universiteti rektori tomonidan tasdiqlanadi.

V. 3. Tahririyat kengashi jurnalning ijodiy, noshirlik, tijorat va moliyaviy faoliyat ko'rsatishida ko'maklashuvchi maslahatchilar guruhidir.

VI. 4. Bosh muharrir:

— tahrir hay'ati va tahririyat jamoasi faoliyatiga umumiy rahbarlik qiladi. Ta'sischi, noshir, muallif, davlat organlari, jamoatchilik tashkilotlari, fuqarolarning boshqa hamjamiyatlari bilan bo'lgan aloqalarda tahririyatning vakili sifatida ishtirok etadi;

— jurnal ehtiyojidan kelib chiqib, barcha ijodiy, texnik va boshqa xodimlarni ishga tavsiya etadi;

— jurnalga taalluqli bo'lgan masalalarni ta'sis shartnomasi va Nizomga asosan hal qiladi.

VI. 5. Tahririyat jamoasi barcha xodimlar: bosh muharrir, uning o'rinbosari, mas'ul kotib, muharrirlar, dizayner, muharrir va boshqa maslahatchilardan tashkil topadi.

Tahririyat jamoasi o'z huquqlari doirasiga kiradigan barcha masalalarni umumiy majlisda hal qiladi.

VI.6. Tahririyat jamoasi mehnat shartnomasi (kontrakt) bilan ishlayotgan fuqarolardan iborat bo'ladi.

VII. TAHRIRIYATDAGI MEHNAT MUNOSABATLARI

VII. 1. Mehnat jamoasining mehnat huquqlari va majburiyatlari (burchlari) amaldagi qonun, mazkur Nizom, ichki tartib-qoidalar, lavozimga taalluqli yo'riqnomalar bilan belgilanadi.

VII. 2. Bosh muharrir ijodiy xodimlarni ishga qabul qilish bo'yicha O'zbekiston davlat jahon tillari universiteti rektoriga tegishli takliflar kiritadi.

VIII. "KOMPARATIVISTIKA" JURNALI NASHRINING TO'XTATILISHI

VIII. 1. "KOMPARATIVISTIKA" jurnali nashri muassislar qarori asosida to'xtatish, qayta tashkil etish yoki tugatish shaklida amalga oshiriladi.

VIII. 2. "KOMPARATIVISTIKA" jurnali muassislar qarori bilan to'xtatilgan taqdirda ishdan bo'shagan xodimlarga nisbatan qonunda ko'zda tutilgan barcha mehnat kafolati huquqlariga rioya qilinadi.

IX. YAKUNIY QOIDALAR

IX. 1. Mazkur Nizom muassislar tomonidan qabul qilinadi va tasdiqlanadi.

IX. 2. Mazkur Nizom tasdiqlangan kundan e'tiboran kuchga kiradi.

IX. 3. Nizom va Ta'sis shartnomasi bir-birini to'ldiradi.

IX. 4. Ushbu Nizom o'zbek tilida, teng huquqiy kuchga ega bo'lgan olti nusxadan iborat.